

中國方志叢書·華中地方·第四七六號


據

清·史鳴臯修，姜炳璋等纂
清乾隆二十三年刊本

影印

浙江省

象山縣志



成文出版社有限公司印行



10102998

中華民國七十二年三月臺一版

象山縣志 共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

象山縣志卷之七

經制志四

壇廟

社稷壇祀五土五穀之神。山林川澤邱陵墳衍原隰五土也。黍稷稻麥菽五穀也。邑壇建於宋治平間彭姥嶺下。元至元二年頒諸路立社稷壇地式。貞元二年議社稷二壇方廣視太社太稷殺其中三畝以官田別長貳爲之。明初頒降圖式。國朝之制壇高二尺四寸。階四級。四方各二丈五尺。以北爲前。南爲後。繚以垣。而丹雘。門由北門入。神以柱石爲主。長二尺五寸。方七尺。刻其頂形。如鐘。埋於壇南正中。去壇二尺。

五寸上鑄其尖一曰縣社之神一曰鄉社之神
縣社以木爲之朱漆青字高二尺二寸闊四寸五分厚九分
高四寸五分闊八寸五分厚四寸五分歲春秋二仲上戊日
知縣主祭武官陪祭

陳設祭品每位帛一黑色白磁爵一羊一豕一鉶二和羹
簋二黍稷簋二稻粱籩四棗栗鹽醢魚豆四韭菹菁醢醢
醢鹿脯

按土穀神郡邑皆立祀樹以野所宜木其社主用石
無主舉社則稷從之明初置石主兼置木主
十年奉文並建稷主擇潔淨廟藏之祭之日

風雲雷雨山川城隍壇禮諸侯祭封內山川令長視古諸侯
於法得祀風師雨師見於周禮唐天寶中增雲師宋因之元
祭風師於東北郊祭雷雨師南郊而皆不及雲雲師之祭自
明始明洪武初州縣立山川壇於城北風雲雷雨壇於城西
南祭用鶩鰲秋分日六年合祀於一壇十四年又以城隍之
神合祭明初邑令孔立建壇在縣西南半里國朝之制壇
高二尺五寸方潤二丈五尺正五級燎壇在東南石主及他
制與社稷壇同歲春秋仲月上巳日奉城隍神主并祭風雲
雷雨主居中境內山川主居左城隍主居右祭與社稷同日
知縣主祭武官陪祭

陳設祭品帛七色白羊豕鉶簋簠豆與社稷壇同惟風
雲雷雨前爵十二山川前六尊醴酒三仍總獻爵各三
按會典天神壇位次尊卑分四色至直省郡縣祀
典則又以風雲雷雨爲次帛俱用白色雍正七年以雲師
雷師祀國佑民宜建廟崇祀部覆建雷師廟於四方立夏
後申日祭建雲師廟於東方秋分後三日祭

先農壇國語農正陳耕禮韋昭註云祭其神爲農所也漢因
以藉田日祭先農或謂先農卽社陳祥道曰藉田所祭之先
農非社也漢迄唐宋祀不廢元命有司祭先農如祭社稷
然不親也明洪武初建壇在藉田內親祭以后稷配二

年去配位。然禮行京師，未嘗及州縣也。至國朝雍正五年，詔郡縣建先農壇。其制高二尺一寸，濶二丈五尺。建先農廟正殿五間，中奉先農神主，東貯祭器，西貯神倉，配房二，大門一，耕田四畝九分。歲仲春，部頒致祭日期，各官朝服行禮，祭畢，易蟒服詣耕藉所，率農官耆老行九推禮。壇在縣東三百步。

陳設祭品同社稷

按乾隆元年，附祭八蜡神於先農壇，設木主八。五年停止。邑厲壇祭邑無祀鬼神，故言。春厲公厲之祭也。春秋傳曰：鬼有所歸，乃不爲厲。士喪禮：殯，病禱於厲。鄭註謂漢時民間皆

秋祀厲則此祀達於上下矣然後世皆不舉行明初命郡邑皆設壇洪武三年令孔立建壇於治北嘉靖間改置等慈寺前國朝定制壇廣丈五尺高三尺前陛三級餘無階繚以垣每歲清明日七月十五日十月一日三致祭知縣率屬祭迎城隍神主於壇上列無祀鬼神位於壇下兩旁

祭品羊豕各三果四羹飯冥衣不計數

鄉厲壇明初建以祭鄉之無祀者邑共三十一所今廢

里社壇明制凡各鄉皆設壇以祀土穀神邑共三十二所今廢

按邑里社無壇而鄉各有廟謂之當境其祀土穀神

遺意歟

勾芒立春先一日邑令於東郊行四拜禮迎勾芒至縣儀門
西向立春候縣官吏具公服禮勾芒以綵仗鞭牛者三勸耕
也禮畢祔祀於土地祠

軍牙旗纛旗謂牙旗黃帝出軍訣云牙旗者將軍之精一軍
之形候凡始豎牙必祭以剛日纛謂旗頭也漢高祖爲沛公
祠黃帝祭蚩尤於沛庭郊祀志八神三曰兵主祠蚩尤蚩尤
旗星名此祭旗纛之始唐以後皆祭至明旗纛之祭有四一
軍行祭旗纛二歲暮享太廟日祭之三仲秋祭山川之日遣
官行禮四永樂後有神旗之祭專祭火雷神國朝郡邑以

武臣主祭迎主於演武廳祭畢列營各試軍械鎗砲藏主於兵器房無專廟

祭品帛一爵三羊一豕一鴈豆八

城隍廟古者諸侯立五祀曰司命中霤國門國行公廡鄭氏謂國門爲城門則今之城隍是也又禮八蜡之祭有水庸庸城也水隍也城隍之祀遠矣洪武二年禮官奏曰唐李陽冰縉雲城隍記謂祀典所無惟吳越有之然成都城隍祠李德裕所建張說有祭荊州城隍張九齡有祭洪州城隍杜牧有祭黃州城隍文則不獨吳越爲然蕪湖縣建廟於吳赤烏二又不獨唐而已宋以來或賜廟號或頒封爵今宜謝祭

有之壇而加封爵從之乃命興王之地封爲王其餘府爲威靈公州爲靈佑侯縣爲顯佑伯均冠以監察司民四字三年詔去封號止稱府州縣城隍之神造木主毀塑像時象邑遷廟於城東北東塘山下邑人蔣景高有記嘉靖九年罷山川從祀以仲秋祭旗纛日祭之三十二年邑令毛德京徙廟於治東南文峯塔右計基地二畝萬曆間令周官建鐘鼓二樓里民錢完助田四畝國朝仍以城隍神合祭於山川壇守土官必詣廟致祭而後莅任每月朔望皆行禮凡祈晴雨必先牒告而後禱於壇康熙中建後殿三間乾隆九年令張繡撤新之

祭品帛一爵三羊一豕一

邑人蔣景高記明洪武三年詔天下郡縣立城隍廟規制
著爲令式象山舊廟在縣西南一里隘陋無以莊觀瞻主
簿臣信縣丞行令事臣相懼無以稱上意乃相縣治東北
二百步得輿區焉集吏民告之曰天子肇膺天命百神受
職城隍之祀以奠邦本予將作廟於斯尙其相予不逮僉
應曰諾乃簡才能使各事其事給官帑捐稍廩然後度材
命工殿堂門廡左右翼室一如令式經始於是年八月落
成於仲冬之吉輦飛鳥革不足以喻其華采而新址也
吾聞之地載神氣故社稷露宿焉祭城隍焉

室而祀不必像設而威靈颯然所以起人心之敬畏而
民之視聽者皆出九重之府思發千年之獨斷允矣神人
之主也有司奉職惟謹爰記歲月而勒諸石縣丞氏陳字
伯良主簿氏徐字子忠

按祀典有三天神日月星辰之類也地示則社稷山川城
隍之類也人鬼則鄉士大夫也先儒謂祭社不必祭城隍
猶祀南郊而不必明日月也烏乎可易曰城復于隍詩
曰實維何辜經言城隍屢矣社稷有神城隍無神乎然宋
以來必持人言以附會之如鎮江太平寧國華亭蕪湖諸
郡邑皆以爲祀紀信龍且江右郡縣皆以爲灌嬰汴梁以

爲秦功。今浙江以爲明周新寧波亦謂紀信象山
謂丞陸維遠混人鬼於地而不足據矣諸公保障斯民配
享於神猶句龍之配社棄之配稷可也而直以爲神之姓
名則非或謂神不必設像夫廟者貌也卽像設亦無害於
禮

開帝廟明初都金陵建十四廟一曰前將軍壽亭侯廟以四
孟朔日歲除日應天府官主祭又有仲夏太常之祭祭以少
牢嘉靖十年太常卿黃芳奏改稱前將軍漢壽亭侯蓋漢壽
亭封邑在今犍爲三國志言漢壽不一蜀後主傳延熙十四
年大將軍費禕北駐漢壽十六年春正月
禕爲蜀降人郭循殺於漢壽姜亭侯壽亭侯壽亭侯
令督漢中則壽亭侯漢壽

仁廟內侯鄉侯之下今以侯仕漢以壽亭爲封爵非也其
甲寅勅封爲帝然太常祭仍舊稱國朝初尊崇封號如前
雍正五年部頒禮物悉如文廟追封曾祖光昭公祖裕昌
公父成忠公祀於後殿禮物如崇聖祠春秋二仲致祭惟五
月十三日用牛羊豕各一帛一果品五後殿不用牛餘同歲
凡三祭廟在洎西五百步

按侯當天不擾攘之自備志在春秋故扶漢拒曹卽夫子
尊周攘楚之意其於邪說亂正未有不深惡痛絕之者自
宋佞臣王欽若妖僧智顓各倡言侯神聽天師呼召戒壇
護法則污鑠甚矣又黃太常以侯謚爲傷武功之不成按

繆穆古字通用諡法布德執義曰繆又中情見親曰繆諡
曰壯繆褒之也而曰傷之亦非

靈濟廟廟在縣東二十五里祀鋸門龍神也宋建炎四年高
宗航海龍有護舟功勅賜廟額春秋祀之洪武二年生員孫
德仁重修邑人蔣景高有記 國朝以春秋二仲庚日致祭
祭品帛一爵三羊豕各一

按蔣助教景高記云廟賜靈濟額則在鋸門者爲靈濟廟
又據毛志在唐家河者廟賜普濟則普濟在縣治西舊志
並誤

普濟廟舊名五龍行祠在縣城唐家河上祀柳謝二神也

太祖起兵盛暑渴甚二神貯水於桶三軍縱飲之不竭
其名曰象山柳秀才謝道人也後詔訪二人得秀才名廡
普濟勅有司春秋致祭謝爲時所隱遂弗及而鄉人并祀
謝早禱之有奇驗今前殿奉關帝像

按志云柳卽鋸門五龍之神蔣景高氏謂柳爲龍神之功
曹無所據又龍神向有五龍九龍之稱志謂龍有兄弟則
謬也平湖陸氏曰龍王者何其地祇之主龍者歟抑古參
龍御龍之謂歟古者祈雨天神則有風伯雨師地祇則有
名山大川隋唐間祈輒初祈嶽海瀆及諸山川能興雲雨
者七日乃祈社稷及古來鄉土有益於民者又七日乃祈